


Vischnaunca da Breil



Ordinaziun forestala dalla vischnaunca da Breil

2020

		I. Disposiziuns generalas
Art.	1	Intent
	2	Principi
		II. Administraziun
	3	Organisaziun
	4	Administraziun e survigilanza
	5	Suprastonza communal
	6	Gerau d'ual
	7	Selvicultur da revier e menader da menaschi
		III. Cultivaziun digl uaul
	8	Finamira
	9	Program annual
	10	Segirtad da lavur
	11	Protecziun dalla lenna
	12	Infrastructura
	13	Diever dallas vias d'ual
		IV. Products forestals e prestaziuns forestalas
	14	Commercialisaziun
	15	Vendita da lenna
	16	Lenna da brisch / sort
	17	Pinar e transport
	18	Termin per menar naven lenna
	19	Reclamaziuns
	20	Pigneuls
	21	Utilisaziuns nuscheivlas
		V. Protecziun encunter donns
	22	Pasculaziun
	23	Fiug
	24	Campar
		VI. Disposiziuns penals
	25	Cumpetenzas
	26	Multas
	27	Scadenza, mieds legals
	28	Oblicaziun da denunziar
		VII. Disposiziuns finalas
	29	Vigur

Sebasond sin la lescha d'uaul cantunala relai la suprastonza suandonta ordinaziun per il revier forestal dalla vischnaunca da Breil/Brigels.

I. Disposiziuns generalas

Art. 1

Intent Igl uorden forestal regla l'organisaziun, las incumbensas e las obligaziuns dil survetsch forestal dalla vischnaunca.

Art. 2

Principi Ils uauls da vischnaunca duein saver ademplir lur funcziuns da protecziun, d'utilisaziun e dil beinstar public a moda durabla.

II. Administraziun

Art. 3

Organisaziun La vischnaunca meina in agen survetsch forestal.

Art. 4

Administraziun e survigilanza L'administraziun e la survigilanza dils uauls communal ein caussa dalla suprastonza communal. In commember dalla suprastonza ei gerau d'uaul.

Art. 5

Suprastonza communal La suprastonza communal ei responsabla pil manteniment e per la cultivaziun cunvegna dils uauls communal. Ella

- a) fixescha las directivas dalla politica forestala dalla vischnaunca
- b) relai la descripziun dalla piazza e fixescha ils duers e las cumpetenzas dil selvicultur da revier
- c) approbescha il program annual
- d) fa il preventiv
- e) tracta las damondas per lenna da diever
- f) fixescha ils prezis per la lenna taxa
- g) procura annualmein la publicaziun per las damondas da lenna da brisch

- h) survigilescha la gestiun dil menaschi
- i) engascha ils luvrers d'uaul e fixescha las cundiziuns da survetsch
- j) surdat lavurs che survargan las cumpetenzas dil selvicultur
- k) surdat ensemen cul selvicultur las lavurs ch'ein el preventiv, el program da lavur annual ed ein finanziamein en cumpetenza dalla suprastonza communal
- l) surdat ensemen cul selvicultur las lavurs subvenziunadas ed ordinadas digl uffeci forestal cantunal; cun resalva digl art. 11 da questa ordinaziun
- m) survigilescha la vendita dalla lenna

Art. 6

Gerau d'uaul

Il gerau d'uaul:

- a) promova l'economia forestala e la commercialisaziun dalla lenna en vischnaunca
- b) representa ils interess forestals en la suprastonza communal ed en la populaziun
- c) pren part allas uatgas forestalas
- d) fa proposta alla suprastonza communal davart damondas per lenna da taxa
- e) fa la proposta alla suprastonza communal per surdar las lavurs forestalas ch'ein buca el preventiv e program da lavur
- f) interquera e fa propostas appartenent surpassaments.

Art. 7

Selvicultur da revier
Menader da
menaschi

Il selvicultur da revier vegn elegius dalla suprastonza communal ed engaschus e salarisaus tenor las disposiziuns executivas decisivas dil cantun.
El ha l'obligaziun da menar il menaschi forestal tenor las disposiziuns executivas dil cantun e tenor la descripziun dalla piazza.

III. Cultivaziun digl uaul

Art. 8

Finamira

Ils uauls comunals ein da cultivar tenor las disposiziuns fixadas en la planisaziun forestala.

Art. 9

Program annual Las lavurs sedrezzan tenor il program annual approbau e tenor il preventiv.

Art. 10

Segirtad da lavur Lavurs d'uaul astgan vegnir exequidas sulettamein da luvvers scolai corrispudentamein e sulettamein observond las disposiziuns davart la segirtad da lavur digl ISAA. Lavurs a tiarzas astgan vegnir surdadas ultra da quei sulettamein cun l'obligaziun dad observar las prescripziuns da segirtad necessarias e cun la cundiziun d'agir cun tut quitau. Tier lavurs en accord ein las cundiziuns da pinar e transportar da fixar en in contract.

Art. 11

Protecziun dalla lenna Leu, nua ch'igl ei necessari per motivs fitosanitars e per segirar la qualitat, sto la lenna vegnir allontanada immediat ord igl uaul u vegnir tractada a moda cumpetenta.

Art. 12

Infrastructura Per cultivar ils uauls communalis eis ei da crear in'infrastructura cunvegnetta e quella ei da mantener en in bien stadi.

Art. 13

Diever dallas vias d'uaul Il diever dallas vias d'uaul ei lubius sulettamein per intents forestals ed agricols sco era per las excepziuns lubidas tenor la lescha d'uaul federala e cantunala. Ulteriuras excepziuns ha la vischnaunca reglau en la lescha per carrar sin las vias dad alp, d'uaul e funsilas dalla vischnaunca da Breil cun vehichels a motor.

IV. Products forestals e prestaziuns forestalas**Art. 14**

Commercialisaziun La vischnaunca commercialisescha ils products forestals e las prestaziuns forestalas il meglier pusseivel.

Art. 15

Vendita da lenna La vendita dalla lenna vegn fatga dil selvicultur da revier per la vischnaunca tenor ils principis dallas „usanzas commercialas da lenna dalla Svizra“.

Art. 16

Lenna da brisch Lenna da brisch vegn semtgada entras igl uffeci forestal mintga onn sin empustaziun. La publicaziun vegn fatga ad uras el fegl official dalla Surselva.
La lenna da brisch sto vegnir luvrada si e menada naven sin il pli tard entochen il termin communicau sin il quen entras igl uffeci forestal. Igl ei scumandau da deponer la lenna da brisch sin territori da vischnaunca.

Art. 17

Pinar e transport La vischnaunca ei responsabla per il pinar ed il transport dalla lenna da brisch tochen sper via carrabla.
Lenna buca controllada e buca marcada astga buca vegnir menada ord igl uaul senza lubientscha digl uffeci forestal.

Art. 18

Termin per menar naven lenna Lenna sort ch'ei buca vegnida menada navein ord igl uaul entochen il termin communicau digl uffeci forestal, croda senza restituziun anavos alla vischnaunca.

Art. 19

Reclamaziuns Eventualas reclamaziuns concernent quantidad e qualidad ein d'annunziar avon che la lenna vegn menada navein, sil pli tard denton 15 dis suenter la repartiziun directamein tier igl uffeci forestal.

Art. 20

Pigneuls Pigneuls astgan vegnir tagliai sulettamein sut survegionza forestala.

Art. 21

Utilisaziuns nuscheivlas Igl encavrir, il sromar e scursar plontas vivas, rimnar sternem, far fein e pastg sco tut donnegiar plontas ei scumandau e vegn castigiau. Davart excepziuns decida il departement cantunal correspondent.

V. Protecziun encunter donns

Art. 22

Pasculaziun L'utilisaziun dils uauls sut pasculaziun ei da reglar en cunvegnyentscha cun il survetsch forestal en in reglament da pasculaziun u en projects per separar igl uaul e la pastira.

Art. 23

Fiug Far fiug ei sulettamein lubiu en las fueinas officialas. Sin igl ulteriur territori d'uaul ei scumandau da far fiug.

Art. 24

Campar Igl ei scumandau da campar egl uaul.

VI. Disposiziuns penalas

Art. 25

Cumpetenzas La suprastanza communal ei cumpetenta per tuts surpassaments encunter igl uorden forestal, aschilunsch che quels ein buca suttamess alla cumpetenza d'ina outra istanza.

Art. 26

Multas Ils surpassaments da quell'ordnaziun forestala vegnan puni cun multas da 100 tochen 1'000 francs, ultra dall'obligaziun da suprender l'indemnisaziun cumpleina dil donn.

Art. 27

Scadenza, mieds legals Las multas e l'indemnisaziun dil donn ein da pagar alla cassa communal enteifer 30 dis suenter la consignaziun dalla disposiziun dalla multa.
Encunter la disposiziun dalla suprastanza communal ha il puniu il dretg da recuorer tier la dertgira administravia dil cantun Grischun.

Art. 28

Obligaziun da denunziar Las persunas officialas ein obligadas da denunziar ils surpassaments che vegnan ad els ad ureglia.

VII. Disposiziuns finalas

Art. 29

Entrada en vigur Questa ordinaziun forestala ei vegnida approvada dalla suprastonza communal il 17 da fevrer 2020. Vinavon ei quella ordinaziun vegnida approvada digl uffeci d'ual dil cantun Grischun e va en vigur cun igl 1 da schaner 2020.

Breil/Brigels, ils 18-02-2020

Suprastonza communal

Il president: *Olav Schlusser*

Igl actuar: *Carola Cadonaa*